



Zbog šverca duvana, u akciji kodnog naziva "List", privedene 33 osobe



FOTO ARHIVA

Dragan SLADOJEVIĆ

MOSTAR - Ukupno 35 tona duvana je zaplijenjeno, kao i 15 mašina za njegovo rezanje, a u više bh. gradova su privedene 33 osobe, zbog sumnje da su kao članovi organizovane kriminalne grupe krijumčarenjem ove visokotarifne robe oštetile budžet BiH za oko 18 miliona KM.

Ukratko, to je epilog policijske akcije "List", koja je juče sprovedena u najmanje 10 opština, a izveli su je pripadnici Državne agencije za istrage i zaštitu (SIPA), u saradnji sa Upravom za indirektno oporezivanje (UIO) BiH, i to po naredbama Suda BiH i Tužilaštva BiH.

Osumnjičeni su, od marta do jula ove godine, na tržište BiH u promet ubacili više od 220 tona rezanog duvana, koji su prvo legalno uvozili u listu iz Srbije, a potom ilegalno usitnjavali i prodavali.

Terete ih, stoga, za organizovani kriminal, kroz koji su izvršena brojna ostala krivična djela, kao što su poreska utaja ili prevara, zloupotreba položaja ili ovlaštenja, primanje dara i dru-

Državu ojadili za 18 miliona maraka

Među uhapšenima i jedna službenica UIO BiH, koja je bila insajder, odnosno uvoznici je odavala tajne podatke

gih oblika koristi i davanje dara i drugih oblika koristi.

Osim duvana i mašina, prodati su i oduzeti i 150 kartona cigareta bez dokumentacija o ponijeklu, veća količina novca, i ostali dokazi, a od 33 osobe koje su privedene zbog saslušanja,

njih najmanje četiri su uhapšene. Imena osumnjičenih istražitelji nisu željeli otkriti, ali je potvrđeno da je među njima i jedna službenica UIO BiH, koja je bila insajder, odnosno uvoznici je odavala tajne podatke o istrazi koja se protiv njih vodi, te je po-

PRETRESENO VIŠE DESETINA LOKACIJA

RAČUNICA
 $80.000 \times 220 = 17,6$
 KM iznose akcizne obaveze po tona duvana tona rezanog duvana koje su osumnjičeni ubacili u promet miliona KM, minimalno, oštećena država

GRADOVI U KOJIM SU IZVRŠENI PRETRESI

Široki Brijeg
 Posušje
 Šamac
 Brčko distrikt
 Grude
 Maglaj
 Bijeljina
 Mostar
 Ljubuški
 Ljubinje



kušala osujetiti ovu akciju, za šta je dobijala novac.

Za nju je Mehmedalija Osmić, koji je ispred UIO BiH rukovodio akcijom, rekao da je učinila mnogo ružnog te ju je nazvao špijunom.

Tokom ove akcije izvršeni su pretresi na više desetina lokacija na području Širokog Brijega,

U AKCIJI UČESTVOVALE STOTINE POLICAJACA SIPA I OVLAŠTENIH OSOBA UIO BiH

ga, Posušja, Šamca, Brčko distrikta, Gruda, Maglaja, Bijeljine, Mostara, Ljubuskog i Ljubinja. Pretresima su, kako je potvrđeno, obuhvaćeni objekti 29 fizičkih te dvije pravne osobe.

"Pripadnici organizirane kriminalne grupe dovode se u vezu sa krijumčarenjem visokotarifne robe u BiH, odnosno, nezakonitim prometom duhana u listu i sječenog duhana", saopštila je Kristina Jozić, portparol SIPA.

Iz Tužilaštva BiH naveli su da su ove aktivnosti sprovedene radi sprečavanja i kažnjavanja krijumčarenja visokotarifne robe i nanošenja višemilionske štete budžetu BiH. Dodali su da je u akciji učestvovalo više stotina policajaca SIPA i ovlaštenih osoba UIO BiH.

"Aktivnosti su, na dogovoreni znak, počele istodobno na više desetina lokacija, uglavnom na širem području Hercegovine i sjevernom dijelu BiH. Prema prikupljenim dokazima, djelujući kao organizovana grupa, osumnjičeni su unijeli u BiH iz Srbije više od 200 tona duvana u samo tri mjeseca", precizirali su iz Tužilaštva BiH.

Ratko Kovačević, načelnik Odjeljenja za komunikacije i međunarodnu saradnju UIO BiH, kazao je kako zaplijenjeni duvan, kao i onaj koji je stavljen u promet, nije bio obilježen adekvatnim akciznim maricama.